



「大智度論」集粹之六十一

# 菩薩摩訶薩爲一切衆生應次第行

## 智 銘

須菩提言：「新學菩薩摩訶薩，云何於諸法無所有性中次第行、次第學、次第道，以是次第行、次第學、次第道，得阿耨多羅三藐三菩提？」

佛告須菩提：「一切有爲作法，無所有性，乃至無有如毫末許所有。是菩薩摩訶薩聞是已，作是念：若一切法無有性，得無所有故是佛，乃至得無所有故是須陀洹。我若當得阿耨多羅三藐三菩提，若不得一切法常無有性，我何以不發心得阿耨多羅三藐三菩提？得阿耨多羅三藐三菩提已，觀一切衆生行於有相，當令住無所有中。菩薩摩訶薩如是思惟已，發阿耨多羅三藐三菩提心，爲度一切衆生故，菩薩摩訶薩所行次第行、次第學、次第道者，如過去諸菩薩摩訶薩所行道，得阿耨多羅三藐三菩提。是故新發意菩薩，應學六波羅蜜。是菩薩摩訶薩，若行檀波羅蜜時，自行布施，亦教人布施，讚歎布施功德，歡喜讚歎行布施者。菩薩摩訶薩行是布施及持戒，以是布施、持戒故，得禪定衆，以是布施、持戒、禪定故，得智慧衆、解脫衆、解脫知見衆。是菩薩因是布施、持戒、禪定衆、智慧衆、解脫衆、解脫知見衆故，過聲聞、辟支佛地，入菩薩位，入已，得淨佛國土成就衆生，得一切種智。得一切種智已，轉法輪，轉法輪已，以三乘法度脫衆生生死。如是，菩薩以是布施、次第行、次第學、次第道，是皆不可得。何以故？自性無所有故。」

菩薩摩訶薩從初發意，自行持戒，教人持戒，讚歎持戒功德，歡喜讚歎行持戒者。不持戒者教令持戒，亂意者教令禪定，愚癡者教令智慧，無解脫者教令解脫，無解脫知見者教令解脫知見。以是持戒、禪定、智慧、解脫、解脫知見故，過聲聞、辟支佛地，入菩薩位。入已，得淨佛國土；淨佛國土已，成就衆生，成就衆生已，得一切種智；得一切種智已，轉法輪；轉法輪已，以三乘法度衆生。如是，菩薩以是持戒，次第行、次第學、次第道是事皆不可得。何以故？一切法自性無所有故。」

菩薩摩訶薩從初已來，自行羼提波羅蜜、自行毗梨耶、自入禪、行般若波羅蜜，布施衆生，各令滿足，教令持戒、禪定、智

慧、解脫、解脫知見。是菩薩行諸波羅蜜時，自行六波羅蜜，亦教他人令行六波羅蜜，讚歎六波羅蜜功德，歡喜讚歎六波羅蜜者，是菩薩以六波羅蜜因緣及方便力，過聲聞、辟支佛地，入菩薩位，乃至是事不可得，自性無所有故，是名初發意菩薩摩訶薩次第行、次第學、次第道。

菩薩摩訶薩次第行、次第學、次第道，從初發意已來，以一切種智相應心，信諸法無所有性，修六念：所謂念佛、念法、念僧、念戒、念捨、念天。菩薩摩訶薩念佛，不以色念，不以受、想、行、識念。何以故？是色自性無，受、想、行、識自性無；若法自性無，是為無所有。何以故？無憶故，是為念佛。亦不應以戒象念佛，不應以定象、智慧象、解脫象、解脫知見象念佛，何以故？是象無有自性，若法無自性，是為非法。無所念，是為念佛。……菩薩摩訶薩行般若波羅蜜時，應念佛，是為菩薩初發意次第行、次第學、次第道。是菩薩摩訶薩次第行、次第學、次第道中住，能具足四念處、四正勤、四如意足、五根、五力、七覺分、八聖道分，修行空三昧、無相、無作三昧，乃至一切種智，諸法性無所有故。是菩薩知諸法性無所有，是中無有性，無無性。

菩薩摩訶薩應修念法，行般若波羅蜜時，不念善法，不念不善法，不念無記法、記法，不念世間法，不念出世間法，不念淨法，不念不淨法，不念聖法，不念凡夫法。不念有漏法，不念無漏法，不念欲界繫法，色界繫法，無色界繫法，不念有為法、無為法。何以故？是諸法自性無，若法自性無，是為非法，無所念，是為念法。念法中學無所有性故，乃至當得一切種智，是菩薩得阿耨多羅三藐三菩提時，得諸法無所有性，是無所有性中，非有相、非無相，菩薩摩訶薩修念法中，乃至無少許念何况念法。

菩薩摩訶薩應修念僧，無為法故，分別有佛弟子象，是中乃至無少許念，何况念僧？菩薩摩訶薩，從初發意已來，應念聖戒，無缺戒，無隙戒，無瑕戒，無濁戒，無著戒，自在戒、智者所讚戒，具足戒，隨定戒。應念是戒無所有性，乃至無少許念。何况念戒！菩薩摩訶薩應修念捨，若自念捨，若念他捨，若捨財，若捨法，若捨煩惱，觀是捨不可得，乃至無少許念，何况念捨！菩薩摩訶薩應修念天，應念是天無所有性中，當無少許念，何况念天！菩薩摩訶薩於是六念，是名次第行、次第學、次第道。」

須菩提白佛言：「若一切法無所有性者，是則無智、無道、無果焉？」

佛告須菩提：「不見色性實有，乃至不見一切種智實有。若不見諸法實有，云何有智、有道、有果？」

須菩提言：「我於是法不敢有疑，但為當來世諸比丘、聲聞、辟支佛道、菩薩道者。若言：若一切法無所有性，誰垢誰淨？誰縛誰解？是不知不解故而破戒，破正見，破威儀，破淨命。是人破此事故，當墮三惡道，我畏當來世有如是事，以是故問佛。」

須菩提為新學菩薩摩訶薩，於諸法無所有性中，應如何次第行、次第學、次第道，用是次第行得阿耨多羅三藐三菩提，故而問佛。新發意菩薩，雖無量劫發意，未得諸法實相，皆名新學。

佛教令入無所有畢竟空法，故令行無所有。以無所有畢竟空，和合布施、持戒等行。一切有為作法，從因緣和合起故，無有實定性，乃至如毫末許所有。有為有二種：一者、色；二者、無色。色法破壞，分別乃至微塵，無有定實。無色法中，乃至無有一念定實。

是菩薩從諸佛聖人聞是法，蓋餘人多以著心說，諸聖人以無著心說。是故，菩薩應從聖人聞。次第學菩薩聞是法，以比智籌量決定，知諸法究竟必空，皆入佛所得實相中，所謂寂滅無戲論相。

諸法實相不增不減，更無新法可得故，法亦不失。若度眾生，眾生畢竟空，本末不可得，我所聞、所作功德，及成佛時神通力，皆如夢如幻故，無一定實相，畢竟空。得不得雖同，何不發心作佛！由何而得作佛？由忍怨故。是以，善善視怨如親、怨家雖於我無用，而是佛道因緣，是故發阿耨多羅三藐三菩提心。是名一第次第行、次第學、次第道。

次第行、次第學、次第道三者，有人言無差別：若行、若學、若道，義一而語異。行名持戒，學名禪定、道名智慧。行名正語、正業、正命，學名正精進、正念、正受，道名正見、正思惟。此八事雖名為道，然分別有三分：正見是道體，發起是道，名正思惟、正語、正業、正命，助益正見，故名為行。正精進、正念、正定，能成就正見，使令牢固，是名為學。復有人言：檀波羅蜜、毗梨耶波羅蜜，名為行，初入道故。尸羅波羅蜜、禪波羅蜜名為學，人心常隨五欲難禁難制，無須臾停息，漸以尸羅波羅蜜、禪波羅蜜制伏其心，是故名學。羸提波羅蜜，般若波羅蜜名為道。何以故？忍為善，般若為智慧，善、智具足故名道。如是等，名為三事差別。

所以名次第者，若一切法無所有，初發心菩薩於是空法中，云何能漸次第學，以是故說次第。諸法雖空難解，次第行得力故，能得成就，次第行者，四種行六波羅蜜是，自行亦教他行，菩薩大悲心，深愛善法故，能行四事。如菩薩自行布施，亦教他行，歡喜讚歎行布施者。

至布施次第，或先供養諸佛、多菩薩、辟支佛、阿羅漢及諸聖人。若無聖人，次第施持戒、精進、禪定、智慧離欲人。若無

此人，施一切出家佛弟子，若無此人，次施持五戒，行十善道及持一日戒、三歸。若無此人，次施中人非正非邪者。若無此人，次施五逆惡人，及諸畜生。不可不與，菩薩以施攝一切眾生故。有人言：應先布施五逆罪人斷善根者，貧窮、老病、下賤、乞丐者，乃至畜生。一切眾生皆是菩薩福田，能生大悲故，菩薩常以阿耨多羅三藐三菩提施眾生。何況衣食而有差別！又菩薩得無生法忍，平等無差，未得無生忍者，或慈悲心多，或分別心多，此二心不得俱行。悲心多者，先施貧窮惡人，分別心多者，先供養諸聖人。菩薩若得諸法實相，入般若波羅蜜方便力中，心得自在，二事俱行，慈愍眾生，又視皆如佛。

菩薩復作是念：我憐愍眾生，以衣食布施，所益甚少，不如持戒，常以無惱無畏施於眾生。菩薩住是持戒中，為守護戒故，生禪定，心不散清淨故，得成慧象。無戲論捨著是慧相，以是慧破煩惱縛，得解脫象，了了知見得解脫故，名解脫知見象。是人先行布施及五象因緣故，過聲聞、辟支佛地，入菩薩位。

菩薩自得禪定等象，亦令眾生得，是名菩薩教化眾生。教化已，持自功德及眾生功德，盡迴向淨佛國土，具此二法，即得一切種智，轉法輪，以三乘度眾生，是名菩薩次第行、次第學、次第道。先粗後細，先易後難，漸漸習學，名為次第。

一切法實無所有，次第法亦不離於空。當來世求三乘人，聞佛說空無所有性，以罪重智慧鈍故，取空相，疑誰垢誰淨？凡夫惡人，何以為垢？出家得道人，何以名淨？是人不解佛語深義，著是空故，言何用持戒等為？以是因緣，即生邪見，破正見。破正見故，以少因緣而破戒及威儀，無所畏忌。出家人資仰白衣，便妄語求利衣食等，破於正命等。種此罪故，墮三惡道。因是之故，須菩提以此難佛，故佛言：「若不見實定有法，不應以次第等難空。」一切法無所有性，畢竟空故，菩薩摩訶薩應次第行、次第學、次第道。